

## أمسية تربوية (٣) | النظر إلى السماء (٢) - محررا | د. أحمد عبد

### المنعم

أحمد عبد المنعم

بسم الله الرحمن الرحيم والصلوة والسلام على رسول الله صلى الله عليه وسلم. إن شاء الله باذن الله سبحانه وتعالى نبدأ مجلس اليوم من اه سلسلة اللي هي امسية تربوية - [00:00:00](#)

اه فكرة درس النظر الى سماء واحد كان الدافع الرئيسي لها تقريرها تقريرها نفس الدافع بتاعة المجلس ده. بس اياميها كان برضه مجلس عابر مجموعة من الاخوة آآ سمعت شوية مشاكل - [00:00:16](#)

آآ اغلب المشاكل اللي انا بسمعها حاسس ان انا عايز اوصل رسالة واحدة للبي قدمي. بصرامة يعني يعني كنت بسمع مجموعة من الاخوة يعني عندهم شوية مشاكل في الطريق والله. انا حاسس ان الاجابة بتاعة المشاكل اللي انا سمعتها كلها - [00:00:30](#)  
ان انا عايز اقول له كده انا حاسس ان انا مش عايز اقول لهم ده مكير المشكلة لان هي المشكلة كبيرة هو كل واحد جاي بيحكي يشتري. هي مشكلته كبيرة وانا لا ادعى ابدا ان المشكلة اللي بتقابل الانسان - [00:00:46](#)

الطريق الى الله سبحانه وتعالى صغيرة طالما ان هو صادق وعايز يتخلص منها لكن عايز اقول له تعالى نرسم صورة كبيرة للواقع اللي احنا عايشينه. هتفاجأ ان المشكلة بتاعتكم واحدة حجم معين داخل هذه الصورة - [00:01:00](#)

ليست وغد الحجم الكلي ايه اللي انت متخيله؟ لذلك الانسان بيضع على عينيه شيء بيحجب عنه النور ينخرط في تفاصيل الامر ده وبيتصور ان ان يعني الامر ده هو نهاية الحياة. وبيبدأ يتعامل بناء على كده ان خلاص دي نهاية الحياة وان الموضوع كبير جدا - [00:01:14](#)

ان الموضوع ضخم وما حدش حاسس بالمشكلة. والشيطان بيقوده الى المنطقة. اتكلمت برضه عليها قبل كده في الدرس بتاعة المرة اللي فاتت. بتاعة سورة الحشر اللي انا بسميتها المنطقة ودي كانت احد العناوين اللي انا عايز اتكلم فيها في الدرس. بس قلت هي مش ناقصة ضلعة يعني مش هنسمي الدرس المنطقة المزلمة. وبالتالي يعني مش عايزين ان - [00:01:38](#)

واحد يوصل نفسه انه يوصل لحالة من الهم والحزن والغم. ويكون هو السبب في ده. قد بيتبلي الانسان بمثل هذه الامور في اشياء لا يد له فيها. انا مش بتكلم على ده دلوقتي. يعني قد بيتبلي الانسان بهم وبغم يحاصره ويكون هذا من البلاء الذي يستعين الله سبحانه وتعالى ليخرج - [00:01:58](#)

خرج منه والنبي صلى الله عليه وسلم استعاد من الهم والغم والحزن. لكن انا مش بتكلم على اللي خارج نطاق ايدك احياناً الانسان هو الذي يقول نفسه الى هذا الامر - [00:02:21](#)

هو اللي بيضخم الهم. يعني بيتبلي بهم ثم هو يساهم في تضخيم هذا الهم. قد بيتبلي بغم ثم يساهم في تضخيم الغم ده حتى يغطيه والهم ان اصل من معاني الغم والهم فيه معنى التغطية الغمام اللي بيحجب بصر الانسان عن السماء - [00:02:33](#)

الغم هو اصلاً بيحجب الانسان عن الرؤية الحقيقية. لسة سبحانه الله العظيم آآ قارئ اثر جميل على تويتر يعني. حد من الاخوة كاتب وتحت عنوان كده تويتة او تغريدة تحت عنوان - [00:02:51](#)

ثانية حتى اقرأها لكم بنصها. بيقول اثر الاستقرار النفسي على طالب العلم. قال قال الامام البخاري عن سهيل ابن ابي صالح بيتكلم عنه اللي مش بيروي عنه يعني بيتكلم عنه في آآ ايه هو يعني؟ في ثقة ولا أ بيقول كان له اخ فمات. فوجد عليه فسأء ح -

حفظه ده نقل الكلام ده ابن حجر فيتكلم على اثر الحالة النفسية على طالب العلم قد تؤثر عليه بامور تصرفه عن اكمال المسير طبعا هو ابتنى بشيء خارج عن ارادته. اسأل الله سبحانه وتعالى ان يحفظ لنا احبابنا. وان يرزقنا جميعا حسن الخاتمة. لكن قد يبتلى 00:03:26  
الانسان بشيء. لكن هو بتفاعل -

عول النفس مع الامر ده قد يضم هذا الامر. مثال مثال عن التصور الخاطئ في التعامل مع الامور الانسان قد الاشياء اللي تحدث من حوله. ربنا ذكر لنا التعاملات الجاهلية الذي كان يتعامله - 00:03:48

رجل في الجاهلية حينما كان يرزق بنت مع انه رزق والنبي صلى الله عليه وسلم اخبر ان اللي يرزق بهذه البنات ويحسن تربيتهم حجابا له من النار وثم تفاجأ قوله سبحانه وتعالى ان في ناس قالها الله سبحانه وتعالى ان عن اللي يرزق يرزق بنت قال اعن 00:04:04  
تصور شوف الصورة -

آآ بشخص الحالة النفسية اللي بيمر بها. قال اي على هون او يدسه في التراب. يعني انت متخيلين انه عايش عايش في في هيمسك المولود يعني اللي هي البت على هون يعني هي عايش في زلة وهم - 00:04:25

طب ليه؟ يعني الا انا ايه اللي يعيش في كده؟ اللي يعيش في كده يا جماعة تصور النفس عن البت وتصور المجتمع اللي كبروا وركزوا معي في النقطتين دول. دول اصلا مركز الدرس كله. تصوره هو يعني ايه جا لي بنت - 00:04:45

في واحد لما يجي له بنت يبقى في قمة السعادة وفي قمة الشكر لله سبحانه وتعالى. وكان منتظرها وبيدعني يا رب يجي لي بنت وفي واحد ربنا وصفه لنا في القرآن لما جت له بنت - 00:05:04

بقى كاره نفسه وعايش في غم وقرف وزلة ويعني ومهانة وقاعد يفك. يا ترى عايش في هم وغم وزلة وقرف؟ ولا ادفنه واخلص حميد الشوف او يدسه في التراب. انت متخيلين الصورة بنفسكم ديه - 00:05:15

ايه اللي وصله للحالة دي؟ مع ان ركزوا معي. نفس الشيء نفس البت. يعني يرزق بها انسان يكون في فرح ويرزق بها اخر يكون في هم وغم. ايه ده يعني المشكلة مش في البت. المشكلة في التعامل النفسي من الشخص ومن المجتمع. يبقى اذا التعامل النفسي من الشخص او من - 00:05:31

قد يعني يضغطون على انسان ويقوموا بعملية ضغط نفسي على انسان يخليه يتخيّل حياته في صورة معينة وفي الحقيقة ليست كذلك يعني الحقيقة الموضوع مش لا يستحق هذا الهم والغم. انت اللي عملت في نفسك كده. ما حدش قال لك تفكر بهذه الطريقة. انت اللي فكرت بهذه الطريقة. اللي دخلتك في الحالة النفسية ديت - 00:05:51

طيب يبقى ده اول نقطة ازاي تفكير النفسي بتاعتي او ضغط المجتمع ركزوا بقى معي ملش الدرس النهاردة عايز تركيز شوية لزلك اللي انت حاجة ممكن لا ان شاء الله بایه؟ بازن الله سبحانه وتعالى لما الدرس يترفع يسمعه تاني - 00:06:16

طريقة تفكيري او ضغط المجتمع علي قد تجعلني افكر بطريقة مختلفة عن شخص وضع في نفس الزروف التي امر بها تماما. يعني اتنين ممكن اتنين يمرروا بنفس الزروف بالزيط. لكن واحد لان - 00:06:33

طريقة تفكير وطريقة التعامل النفسي وضغط المجتمع عليه خلاه يفكر بطريقة. والثاني خلاه يفكر بطريقة مختلفة. فتجد اتنين بيتعارضوا لنفس الاثر واحد يكون في حالة من الرضا والسكينة والطمأنينة يعني هذا الرجل الصالح الاثر اللي انا قارئه - 00:06:53  
الذى ابتنى بموت اخيه طب ما بعض المحاسين ابتنى بمثل ذلك لكن من الله سبحانه وتعالى عليه واستعلن الله سبحانه وتعالى واكمel في ناس بتبتلى في الطريق الى الله سبحانه وتعالى. طيب لزلك انا - 00:07:12

الفكرة برضو اللي عايز اتكلم عنها النهاردة هو اوضحها اكتر كنت آآ بقرأ في كتاب آآ اسمه اصول علم النفس يعني الكتاب مش مش يعني مش مهم يعني دايما يا جماعة برضو دي قاعدة مهمة لما اجيب لكم نقل من كتاب ده مش معناه ان انا بقول لكم روحوا اقرأوا الكتاب يعني. لكن انا النقي - 00:07:27

بيقول ايه والكتاب بسيط يعني بيقول بيقول جه عند منطقة كده بيقول في حاجة اسمها في علم النفس حاجة اسمها المجال حاجة

اسمها المجال اللي بيحيط به الانسان وقال ان المجال ده هو البيئة اللي بتحيط بالانسان. البيئة المؤشرات يعني انت حواليك بيئه حواليك ضوضاء حواليك انوار حواليك ضوء خفي ضوء شديد - 00:07:47

اصوات مزعجة آآ مؤشرات صوتية ايا كان حاجة ضغطاك نفسيا. كل ما يحيط بك دي البيئة وقال كل واحد له البيئة بnature. يعني في واحد اما بيكون ماشي مسلا زابط المرور مسلا ماشي مركز على اشياء معينة في الشارع غير الشخص اللي نازل يشتري حاجة مركز على ايه - 00:08:11

كل واحد يعني ايه بتلتف انتبه اشياء معينة لزلك هنا انتقل لفكرة اسمها قال ايه؟ وعلى هذا يجب التمييز بين البيئة الواقعية والبيئة السيكولوجية صلوا على النبي عليه الصلوة والسلام. الكلام مش مهم يعني مش مهم المصطلحات خالص. يعني يهمني الفكرة. يعني انا هقول كلام مش مهم - 00:08:30

مش مهم المصطلحات اللي هتقابلكم طيب نرجع نقول الرجل ده بيقول ايه بيقول ينبغي التمييز بين البيئة الواقعية والبيئة السيكولوجية. ايه البيئة الواقعية والبيئة السيكولوجية؟ اي البيئة الواقعية هي العوامل اللي بتحيط بك - 00:08:53

كل ما يحيط بك بس في الواقع في الحقيقة اما البيئة السيكولوجية هي البيئة اللي بتحيط بك كما تشعر بها انت وكما تستجيب بها انت يعني ممكن واحد تكون يكون عايش حواليه اخطار حواليه ميكروبات معينة حواليه آآ بعض يعني ايه - 00:09:09

العدوى اللي ممكن يتعرض لها وهو لا يفكر في هزا الامر ولا يشعر به فهو في قيمة الطمأنينة وقمة السعادة. فالبيئة الواقعية بالنسبة له خطر لكن البيئة السيكولوجية والرجل قاعد بيضحك وبيهزر مش في دماغه. عادي جدا - 00:09:31

كان ممكن اتنين وده الواحد بيشوفه كتير يعني في المستشفيات دكتور لابس آآ يعني اوفر شوز ولابس بتابع مش عارف على دماغه ولابس عشر كمامات ولابس مش عارف ايه وداخل العناية - 00:09:47

وتلقي مسلا مراقب للمريض داخل يعني آآ متعربيا في كل وسيلة ومش فاهم هو الدكتور عامل في نفسه ليه كده يعني الدكتور يعني تعبان في دماغه يعني ليه الدكتور عامل في نفسه ليه - 00:10:00

فهو تاني عادي مش حاسس بازمة تأدية السيكولوجية مش حاسة باي ازمة. مم. لكن بقىته الواقعية انه قد يتعرض لامراض او غيره. وهو جاب امسلة هل يعني هو بيقول حتى بيقول آآ بعد كلام في سر طويل يعني - 00:10:14

بيقول مسلا الرجل اللي بيسبح في البحر وحواليه اسماك ايه؟ القرش او حواليه اشياء خطر وهو لا يعرف بها فبيئته الواقعية في الحقيقة هي مميتة. لكن بيئته السيكولوجية لزيرة وامنة - 00:10:32

والباخرة اللي ماشية في نص البحر وحالها ناس عايزه تموتها وتترصد لها وهي لا تشعر هي تسير بطريقة امنة لكن بيئتها الواقعية خفيفة الام النائمة في حقلها في جوار رضيعها لا يؤثر فيها الرعد ولا المطر ولا سرير الرياح ولكن حركة طفيفة من رضيعها كفيلة ان توقفها على الفور. فقال - 00:10:44

الاشياء الخارجية قد تكون موجودة في بيئتنا الواقعية. لكنها غير موجودة في بيئتنا السيكولوجية. واحيانا العكس صحيح يبقى تاني وعايز يقول ان مشاعر الانسان وافكار الانسان وذهن الانسان بيصرفه للتفكير في قضايا معينة. هذه القضايا لا يشترط دائمآ. نحط احترازات لا يشترط دائمآ - 00:11:05

ان تكون هي البيئة الواقعية الحقيقة اللي انا عايشها يعني واحد جاب مجموع وده حصل مع احده الناس اللي اعرفه يعني جاب مجموع في سانوية عامة ايام ما كانت سانوية عامة عندنا في مصر هنا ممكن يعني زي ما عرفش دلوقتي طبعا سواها بيتعمل ازاي يعني. كانت حاجة اسمها شعبة عامة ممكن يدخل اي كلية - 00:11:32

مجموعة كلية هندسة ما جابش كلية طب فكان في قمة الحزن والاس والغصة يعني عاشت حالة من الكآبة ده بيئته السيكولوجية ان هو حزين في حين طلب الطب اللي ابتووا بهزا الامر وفقطوا وانتكسوا وانتحرموا وعملوا في نفسهم كل حاجة قاعدين بينظروا له انه يحمد الله سبحانه - 00:11:56

وتعالى على هزه العافية وان نجاه الله سبحانه وتعالى من هزا الهم والغم والكآبة والحزن. فهو ممكن واحد شايف ان انت يا ابني ربنا

نجاحك من الهم ده وممكن يكون هو حزين فالانسان بطريقة تفكيره او ضغط المجتمع احيانا بتخلية بينظر للامور بصورة غير التي هي عليه - 00:12:22

غير التي هي عليها حلوة او وحشة مش ده الوقت اللي انا هتكلم فيه. انا بقى عايز افكر عايز اقول لكم بس الفكرة ان الانسان قد يعيش في بيئه سيكولوجية معينة وتخليه يشوف الحياة حواليه بصورة ما غير التي عليها في الحقيقة. انت ممكن تلقي اتنين - 00:12:43

الاسر في ازمة وواحد فيهم في قمة الرضا والسكينة والطمأنينة واحد تاني في قمة الحزن والهم والغم والابتلاء يعني مسلا الرجل اللي الف كتاب كتاب آآ مع البحس عن المعنى لوجو سيرابي دكتور علم النفس ده اسمه - 00:12:59

كان الف كتاب هو من المدرسة بتاعة النمسا بتاعة العلاج وراجل اظن كان اعتقل في سجون النازيين بتاع المانيا وطبعا الالمان ما بيهدروش ما بيهدروش في اي حاجة. لا في الشغل ولا في التعزيب. فالراجل يا عيني كان متترمط - 00:13:19

فوجد ان اغلب اللي معه ناس بينتحروا وقعد يفكر ليه الناس بتنتحر؟ فلقى ان ونعيش ليه فسؤال نعيش ليه دوت؟ فخلاله يفكر طب ما انا احاول اوجد لهم معنى. معنى يعيشوا عشانه - 00:13:37

بفكرا بفكرة العلاج النفسي احد مدارس العلاج النفسي العلاج بالمعنى ان انا اوجد له معن لوجو ثيرالد كتاب في المقدمة حتى بتاعته جميلة اللي كاتبها اسمه البحس عن المعنى مترجم يعني - 00:13:56

وطبعا دلوقتي الكتاب الرائع اللي نزل دلوقتي. كتاب ضخم يعني بتاع اسمه عبد الله الوهبي اسمه معنى الحياة في العالم الحديث بتاع تكوين وكان ورقة موجودة اصلا على الانترنت آآ ورقة بحثية جميلة يعني بس هو ضخها جدا وانزلها في كتاب. المهم - 00:14:12

الراجل بيحاول تخيلوا واحد في سجون النازيين في المانيا بيحاول يوصل لي حواليه ان ممكن انت تكون انا وانت في نفس الظروف انا وانت ممكن نكون نفس الظروف بس هو عنده مشاعر نفسية ساعدته من التخلص من اسار الظروف دي - 00:14:30

راح خلى بيته السيكولوجية اكسر رضا واماانا عن بيته الواقعى قدر انه يتحكم في مشاعره طبعا هم هناك ده هو مش يعني ما بيتكلمش بالدين. هو بيtalk عن التحكم. وهو لذلك - 00:14:52

من الحاجات المشاكل اللي قابلته قضية الموت هي عمل فيها ايه؟ يعني هو اتكلم على آآ وسع فكرة دي لعلاج السرطان المصابين بالسرطان وغيره عنده قضايا مش عارف يوجد لها معنى. زي فقد حبيب زي في الله الموت. ودي مسألة خطيرة ان هو ما عندوش هيكلمه عن الغيب هيقول له ايه - 00:15:07

المؤمن يا جماعة مؤمن ربنا سبحانه وتعالى ادى له افق واسع مسألة الغيب دي بتتوسع افق المؤمن بتساعده عن الخروج من كتير من الازمات يعني ودي حاجة سبحانه الله من رحمة الله بالمؤمن ان هو يعيش الغيب - 00:15:28

يعني من المعاني الجميلة قوي وان كان انا بحب اخرج دايما في الدروس برة كده وارجع تاني آآ تخيلوا كده المسلم لما بينزل يصلي في المسجد وهو واكل توم او بصل - 00:15:47

ويقول لك لأننا بلاش انزل عشان ما ازى الملايكة انت متخييل لو واحد اه ملحد بيسمع الكلام ده يعني بتصلني وكمان مش عايز تصلني عشان الملايكة انا مش شايفها يعني هو ايه بالنسبة للملحد هيحصل له ايرور لما بيسمع الكلام ده. بالنسبة للمسلم هو يعيش هذه الامور - 00:16:00

هو هو يعيش عالم الشهادة وعالم الغيب. هو ما بينفصلش عن عالم الشهادة. هو بيعيش عالم الشهادة ويعيش عالم الغيب طيب فكنا بنقول ان مسألة ان البيئة السيكولوجية والبيئة الواقعية ديت لو لو انتلقنا من الفكرة دية ايا كان مش لازم نقرها او لا بس انا يهمني زي ما قلت ان المعنى واضح - 00:16:21

المعنى واضح ان الانسان الزروف اللي حواليه وجبت لكم استشهدت بآية سورة النحل ويمسكه على هنا وان ازاي ان الانسان طريقة تفكيره او طريقة تفكير المجتمع ثقته نفسيا تخليه يفكر بطريقة - 00:16:42

مش هو مين اللي قايل انك لازم تفكك كده؟ يعني مين اللي قال ان انت ينفي ان تفكك بهذه الطريقة ليه اتضفت نفسياً؟ ليه ضغطوك تفكك بهذه الطريقة؟ لذلك انا كنت من الكلمات انا برضو كنت عائز اسمى الدرس ده ايه - [00:16:58](#)

كنت عائز اسميه وده حتى العنوان الجانبي محررة كنت عائز اسميه محررة ليه كنت عائز اسمائهم محررة؟ في خطوة بس هي صوتها وحش على الانترنت يعني بنفس العنوان فكرتها الأساسية - [00:17:12](#)

ان كلمتين عكس بعض يعني او ده يعني ده تقسيمي يعني يبقى غلط يعني مش كلمتين عكس بعض انا لقيتهم كلمة محررة ولو حاولنا نجيب عكس لها في القرآن كلمة وان كان هي فعل يعني يهرعون - [00:17:25](#)

كلمة يهرعون اه محررا جت فين في القرآن في ال عمران طيب كلمة يوه راعون جت فين في القرآن ما فيش مريم انتم هتشككوني في حفظي ريم فين في مريم - [00:17:41](#)

مع السيدة مريم مش في صورة ماريوس احنا خلاص نقلنا على فرعون شروط اية احسنتم سورة هود وسورة صفات صورة هود اسورة سورة هود كلمة يورعون جت مع مين دلوقتي مع مين؟ كلمة يهرعون في سورة هود - [00:17:57](#)

يسمع قوم مع قوم لوط جت مع لأمش معاد احسن مع قوم لوط وفي سورة الصافيات جت اصلا قبل بداية الحديث عن قصة سيدنا نوح وبعد كده سيدنا ابراهيم اللي هي مع الاقوام - [00:18:20](#)

مع تفاصيل يعني بعد عزاب النار. واتكلمت على مسألة تقاليد الاباء. وان ربنا سبحانه وتعالى قال فهم على اثارهم يهرعون. فهم على يعني اقوام الاباء وتقاليد الاباء يهرعون طيب قبل ما نتكلم على محررة خلينا نعرف يعني ايه يهرعونه يبقى يراعون جت مرة مع قوم لوط في موطن في كلام عن الشهوة وجاءه وجاءه قومه - [00:18:44](#)

يهرعون اليه. ومن قبل كانوا يعملون السيئات. يعني هو احد معنا الایات احد معاني الایات. ان كانوا لسه بيعملوا الشهوة لكن هو لم يشبع من الشهوة ومن قبل كانوا يعملون السيئات ده احد التفسيرات - [00:19:10](#)

وبالرغم من كده جاء قومه يهرعون عليه. فاية الصفات مسألة اتباع الاباء وتقاليد الاباء والخوف من تكسير آآ الخروج عن يعني سياق آآ اثار السابقين والاباء فربنا قال فهم على اثارهم يهرعون. فالكلمة جاءت مع موطن شهوة وموطن التقاليد - [00:19:24](#)

تقاليد السابقين. طيب يعني ايه يهرعون الاول يعني ايه يهرعون؟ انا هقرأ لكم نص من الامام ابن عاشور في يفرعون. وطبعاً لما انا عائز اعرف تفسيري فرعون طالما جت مرتين في القرآن غالباً المفسر - [00:19:43](#)

غالباً بقول غالباً هيشرعها في اول موطن. يعني لو انا عائز اعرف تفاصيل كلام المفسرين في فرعون ارجع لسورة هود غالباً قد يفتح له بعد ذلك. يعني ده بيحصل احياناً وحصل نفسه مع ابن عاشور في اكتر من لفظ - [00:19:57](#)

لكن لما انا عائز افهم لفظة ارجع الاول لاول نقطة. فجه ابن عاشور في سورة هود قال انا هقرأ الكلام قال يهرعون بضم الياء وفتح الراء على صيغة المبني مفعول - [00:20:14](#)

طب ما احنا عارفين بس هو بيأكده المعنى ده ليه؟ يعني ليه بيأكده ان هو مبني المفعول؟ قال فسروه بالمشي الشبيه بمشي المدفوع. واحد بيترزق يعني مش هو اللي بيمشي واحد عمال بيترزق - [00:20:28](#)

فهو لا يكون اللي هو الفعل يهرعون. لا يكون الا مبنياً للمفعول وده الاستعمال انا طبعاً ما استقرأتش استعمال العرب يعني ما عنديش خبرة في الباب ده يعني لكن ابن عاشور بيقول - [00:20:43](#)

وده استعمال القرآن كمان لا يأتي الا مبنياً للمفعول لان اصله طب ايه اصل كلمة يهرع اصلاً يعني ماشي يهرع قال لك واحد مشيته مشي وكأنه واحد بيترزق. كأنه هو فاقد السيطرة على نفسه - [00:20:56](#)

طب ايه هو اصل المعنى بتاعه جاي منين؟ قال لان اصله مشي الاسير الذي يسرع به. تخيل اسيير بيترزق سواء بقى بيقاد الى سجنه او الى حتفه تتخيلوا مش عارف يتراجع - [00:21:12](#)

الماشية دي سموها يهرع ثم استعيرت لكل انسان بيسير في شيء لا يستطيع ان ينفك عنه. ده من عندي دي جدعة من عند الحنة الاخرانية دي جدعة. لسه انا هقرأ لكم كلام من عاشور دلوقتي - [00:21:30](#)

ماشي؟ نرجع للمعشور قال وهذا البناء اللي هو لغير الفاعل يعني يقتضي ان الهرع المصدر دفع الماشي بيترق حين مشيه. ثم تنوسى ذلك قال الا ان ذلك تنسي وبقي اهرع - 00:21:44

بمعنى سار سيرا كسير المدفوع. يعني لو جه لي الفاعل يعني احنا عندنا يهرع لغير فهم للمفعول صار سيرا كسير المدفوع. ولذلك قال جمع من اهل اللغة انه من الافعال التي التزموا فيها صيغة المفعول. طيب بيقى اللي انا عايزه ان عاشر جزاک الله خيرا - 00:22:00  
اللي انا عايزه منه عليه رحمة الله وهو دائمًا يبدع يعني في مسل هذه الامور اللي انا عايز اخذ منه كلمة اني انسان بيدفع دفعه طب  
كلمة يدفع دفعا جت يهرع عندنا مواطنين. الشهوة قد تسيطر على الانسان وتدفعه دفعا. وده متفهم - 00:22:20  
يعني نسأل الله انه يتوب علينا جميعا. كلنا ممكن نبتلى بشهوات ونفع في معاصي. وبعد ما تقع في المعصية تقوم ايه ده! انا ما كنتش حاسس بنفسي انا كنت حاسس ان انا كانى يعني ادفع دفعا للشهم - 00:22:40

لكن نفس اللفظ اللي استعمل مع الشهوة يستعمل مع التقاليد فهم على اثارهم. يبرعون ده معناه ان التقاليد الاباء والمجتمع قد تسيطر على الانسان وتدفعه دفعا انه يعمل حاجة هو ممكن يكون مش مقتنع بها - 00:22:54  
اللي بيشتري النيش مسلا عندنا في مصر انت عارفين النيش ولا ربنا يجوزكم. المهم فان هو يدفع دفعه. لانه يعمل حاجة هو رافضها او مش مقتنع بها او حتى بلاش هو مش ما فكرش اصلا فيه. يعني هو مش واحدها قرار او فهم. هو دفع اليها دفعا - 00:23:15  
لذلك انا كان تصوري ان محرا عكس الاثنين دول عكس يهرع اني ندرت لك ما في بطني محررة وان كان المعنى الاصلي هناك محرا من من اعباء الدنيا لان كان عندهم ان ممكن الانسان يذر ابنه ليخدم يعني اماكن العبادة ويظل فيها - 00:23:38  
ويتحرر من من اشغالاته الدنيوية لكن لو وسعنا المفهوم ان انسان يتحرر وانا اتكلمت عن المعنى ده اظن في درس افتكرت دلوقتي اظن اشكالية البناء المعرفي واتكلمت على نزيرية آآ اللي قالها حسام البخاري - 00:23:57

آآ نظرية قالب البسطرمة مسألة صنع ازاي عقولنا بيتم تصنيعها في صورة قوالب من الاعلام والتعليم وكده طيب بيقى انا الوقتي بيقى انا الوقتي بتكلم في مسألة ان البيئة اللي حواليا ممكن تتأسر علي نفسيا تدفعني دفعا لاختيارات - 00:24:16  
وكانى فعل يهرع اليها الانسان وآآ بتخلية كأنه اسير يدفع دفعا بتخلية كأنه بيمسك الشيء على غون يتتعصب من حاجة هي ممكن تبقى خير يغضب من شيء ممكن يكون هو خير اصلا - 00:24:40

آآ لذلك برضو من الدروس كويس انا اختبرته. الدروس الجميلة قوي اللي اتكلمت وكان وقتها جميل كان وقتها نزل الدرس ده ايا نتائجة سانوية عامة والناس بقى اللي انا ما جبتش مجموع هولع في نفسي ومش عارف ايه وكده. فكان الشيخ كريم حلمي ربنا يحفظه ويبارك فيه. نزل درس جميل جدا اسمه السوق الرقيق - 00:24:59

المسيح مواجهة ناس زمان قالتها الفسيح بتقول لي هو ايه سوق الريل الرقيق الفسيح ده بس هو فسيح. واسمه السوق الرقيق الفسيح الواسع يعني احنا عايشين يعني احنا عايشين تبقى استعبادنا بصورة كبيرة - 00:25:21

خلاص برضو من الحاجات اللي لقيتها اتكلمت بصورة جميلة في الموضوع ده وان كان الكتاب نفسه تقيل شويتين ثلاثة يعني. وما انصحش يعني بالقراءة به لغير المتخصص باب اسمه حياة تالفة. ازمة النفس الحديثة - 00:25:40  
آآ ترجمة الشيخ عبدالله الشهري الكتاب يعني بيتكلم ازاي ان الحياة اللي احنا عايشينها اسرت في في تفكيرنا واسرت في نفسيتنا ودمرتنا لذلك استعمل مصطلح من كان هو استعاره آآ من غيره يعني - 00:25:57

ولا مين المهم يعني استعمل مصطلح اسمه استعمار عالم الحياة هو بيستعمل ان ازاي عمله في في الحياة بتاعتنا حاجتين. ازاي خطوها في سيستم قالب وعقلنوه وازاي تم استعماره؟ خلاص؟ طبعا المتخصص وخصوصا المصطلحات دي لانها اصلا - 00:26:17  
وانا هتكلم في الحل دلوقتي الناس اللي بتتكلم في الحلول انا انا سايب الحلول للآخر ان شاء الله يعني يتكلم اللي انا ليه جبت سيرة الكتاب والكتاب مليان يعني الكتاب بصراحة مليان وعجبني ان منصة ادراك - 00:26:40

مزيد له تلخيص الكتاب دسم شوية لا زالت له ترخيص. واحد الاخوة الافاضل قال لي ان شاء الله انه هيعمل عنه شغل قريب. ببساطه يعني انا ليه بس آآ عجبني مصطلح - 00:26:55

جميل جدا في الكتاب يعني عجبني مصطلح عجبني بيقول ايه جه في الاخر خالص في اخر الكتاب استعمل بعض المصطلحات كده المصطلح التماهي مع الباغي يعني ازاي واحد زالم وجايغ عليك وانت تنبسط معه وتعايشه - 00:27:07

مش معك لكن عجبني مصطلح بيقول ايه عجز العجز عن مقاومة التشكل الایديولوجي. ايه الكلام الكبير ده يا عم الحاج؟ عايز يقول ان انت ممكن دماغك بتتغير وبيتلعب فيها وبتوجه وانت عاجز عن المقاومة - 00:27:22

عاجز وده بيحصل معنا نفسيا يتم توجيهك لشهوات معينة وتبني طموحات طموحات وامال هي مش امالك. يعني تخيل لما مستقبلك يرسم لك قصر ثم تسير فيه ثم تحزن حينما تفشل في السير في الطريق المجبور عليك اصلا - 00:27:41

وبعدين تكتتب انك ما حققت تيجي الطموح اللي هو ما كانش بتاعك. يعني انتم متخيلين اللغة؟ هو هو مش هو اصلا ما كانش امالك ومش طموحك رسمت لك غصبا عنك. ثم اجبرت في السير فيها. ثم تفشل في تحقيقه فتكتتب فتنتحر. عشان ايه؟ عشان ما حققتش طموح مش - 00:28:05

يعني ايه اللبخة اللي احنا عايشين فيها دي فلابد ان الانسان يخرج شوية من النقطة دي يا جماعة يخرج واحد انا في مرة بناقش مع واحد الفكرة ديت قبل ما هي طبعا هي بردوا لسه ما اختبرتش يعني انا بحاول معكم يعني. في مرة وانا بناقش مع واحد قال لي طب معلش يعني هو مش ده طبيعي - 00:28:25

السؤال عجبني بيقول لي مش ده طبيعي ان انا اعيش بيئتي يعني ومشاكلتي وهمومي امال يعني كل يعني همومي مش هاعيشها قلت في فارق هنا وده ردي على السؤال في فريق انك طبعا تعيش هموتك ما هو مش معقول كل ما يحصل لي هم او مشكلة او تيجي مسلا آآ مراتي تقول لي عندنا مشكلة كذا في البيت اقول لها لا انزري الى السماء - 00:28:48

انا ما عنديش طب انا هتفاعل طبعا هي ساعتها مش هينفع اقول لها من زور الاستماع انا هتفاعل مع عمومي ومشاكلتي واحلها لكن لا استغرق فيها اعرف قيمتها واعرف حجمها - 00:29:10

ما تخليش مشاكلتي توديني للمنطقة المزلمة ما وصلش لحالة من الاحباط واليأس ليه؟ اعمل في نفسي كده عشان ايه؟ ما الذي يستحق من اللطائف الجميلة برضو اللي قرأتها فاكر مين كان الشيخ وجدان ربنا يبارك فيه اشار للنقل ده مش فاكر مين من الاخوة الافاضل - 00:29:22

بس هنسيب له نقل نقل جميل قوي بيقول ايه؟ من سماحة نفس النبي صلى الله عليه وسلم حتى ان الشايب لم يسرع اليه ويفزو شعره انه كان عنده طاقة نفسية ازاي واحد مر بكل الابتلاءات دي - 00:29:43

والشيب لم يغزوه يعني لم يbedo ازاي فانت طبعا قد الامر قد يحدس قدرها لكن اقصد الاشارة اللطيفة هنا ازاي قدر المستطاع قدر المستطاع وده بمعنى انا بحاول احبط مع ان انا اتكلمت الدرس اللي فات على مسألة كيفية تلقي المواعظ وعدم التطبيق الحرفي لها فبحاول احبط احترازات بتكلم قدر المستطاع اني لا - 00:30:01

لهذه المشاكل ان تأخذ حجما اكبر من حجمها. بل نحن ندعو ونقول آآ ان الله سبحانه وتعالى لا يكلفنا ما لا طاقة لنا به ادعوا الله سبحانه وتعالى ذلك لأن احيانا الانسان هو اللي بيفعل ذلك بنفسه - 00:30:27

لذلك من الادعية العجيبة ان احنا اما بنقولها صباها ومساء بل وجدت رواية وكمان قبل النوم ان تستعيذ بالله من شر نفسه. اللهم عالم والشهادة فاطر السماوات والارض. رب كل شيء وملكيها. اعوذ بك من شر نفسي. قبل شر الشيطان وشركه او وشركه فاستعيذ بالله من شر نفسه - 00:30:42

نفسك ممكن تقويك الى حتفك نفسك لو سيطرت عليك واما من خاف مقام ربه ونهى النفس عن الهوى. لازم يبقى عندي شوية قيادة على نفسي ما تتحكمش هي في والمجتمع يتحكم في ويفرض علي امور اعيش فيها منغصه. طب ليه؟ المجتمع - 00:31:02

بتعبير عجبني قوي برضو تعبير محمد مصطفى عبدالمجيد ربنا يحفزه كان بيقول انت بتسيب نفسيتك وعقلك مالطشة للحياة قاعدين بيحطوا لك تعريف للنجاح ويحطوا لك تعريف للفشل ويحطوا لك وحضرتك - 00:31:26

تلقي هزه التعريفات وتنزل المجتمع. ومن الزي قال ان هزا هو النجاح يعني ليه ما بنعيده تعريف حاجة برضو ده مش معناه الشك

في كل شيء في الدنيا لأبرضو نضع ايه كل حاجة في حجمها الطبيعي - 00:31:40

فالخلاصة ما هو برضو يا جماعة انا زي ما انا قلت يعني هو صعب وده نقطة مهمة انا بحاول انز للتعليقات سريعا كده بس طبعا يستحيل اجاوب عليها كلها. صعب ان في درس واحد ان احنا نجاوب على كل الاسئلة - 00:31:54

وانا اتكلمت في دي المرة اللي فاتت امتي القرآن نفسه عشان تفوقه بتقراره كله. بتجمع النصوص في المسألة الواحدة فانا اما بقول كده ده مش معناه ان انا اعيش في شك ورببة. ايه ده هو طموحني ده المجتمع راسمه لي ولا هو طموحني؟ لا يعني ده له طريقة تانية بتحديد اهدافي - 00:32:14

طريقة مشورة اخوانى يعني يعني طبعا ده مش هحله هنا في الدرس كل غرض الاساسي للدرس ان انا ما اسمحش لنفسي تقدوني لمنطقة مزلمة من الهم والغم انا اللي اتسبب في ده - 00:32:30

في فرق من ابتلاء بيقع عليه غصب عنك وانك انت تتسبب انك بتضع غشاوة على عينيك بل كنت بناشد احد المتخصصين في علم النفس دي وقال لي قال لي المسلح ده اصلا بيضرر بة بتو عالم النفس. ان الطبيب النفسي بيساعد - 00:32:43

المريض انه ينزع الغشاوة اللي على عينه وحتى ضرب لي مسال الحصان اللي بيكون بيطحوا له بيشوين على عينه في السباق عشان ما يركذش غير في السباق لا ما بيشيل على عينه بيكتشف ان العالم كبير. هو انت احيانا كده ماشي في تراك - 00:33:00

جايip اخرk فيه ومش واحد بالك ان العالم كبير فدور ان احنا ننزع بس الغشاوة دي هو انا عايز كل اللي اقوله ان قدقد اهو قد يكون العالم اكبر والحياة وهمومها اكبر مما تخيل. ولذلك انا كنت زمان بناقش بعض اخوانى اقول لهم - 00:33:13

ليه احيانا والسؤال ده متكرر يعني توني ممكن قلتني في اكتر من درس ليه احيانا ممكن الانسان يكون مهموم ومغموم وعنده مشاكل ثم يمن الله عليه بفضله وكرمه ورحمته. ويقوم يصلى قيام ليل يفتح له فيه - 00:33:34

يطيل في قيام الليل. ثم يخرج من قيام الليل بصدر منشرح ونفس طيبة فكنت بسأله هو ايه اللي حصل الموضوع ده كان بيشغلني اقعد مع بعض يا اخوانى اقول لهم - 00:33:48

المشكلة زي ما هي ما اتحلتش يعني ليه يعني هل ليه ايه اللي بيشرح الصدر هنا؟ هل العلاقة بالله؟ هل القرآن كأن يعني عمل زوم اوت كده فخلاني اشوف مشكلتي ضمن مشاكل كبيرة يعني اما تيجي تقرأ القرآن نبي او زي وعذب وده قتل - 00:34:00

تشعر الدين وفيه جنة ونار وآخرة. فكأن السورة اتسعت هل حصل مزاحمة لهمومي؟ دخل هموم تانية اكبر من همومي؟ دخل هموم الآخرة علاقتي بالله هل اكتشفت ان في الله قادر على حل مشاكل؟ يعني ايه اللي بيحصل - 00:34:22

يخليني مشكلتي زي ما هي يعني لسه ما فكرتش في تفاصيل حلها وحنة بقى تفاصيل المشكلة وازاي تفاصيل المشكلة بتتأثر ده في درس النظر الى سماء واحد. اللي عايز يرجعني - 00:34:40

يعني ايه اللي عمله القرآن ساعدني في ده يسعدني في تصغير مش حجم المشكلة على الاقل. على الاقل همها. زاحتها بهموم اخرى لأنني انا شفت بعض عجبني قوي بعض التعليقات اللي موجودة ازاي ان الناس اللي عاشت في اماكن معينة سافرت برة او عاشت في كومينتات معينة اثرت - 00:34:54

اريد تفكيرها اختارت نمط حياة مجبرة عليه او مفروض عليها فعاش في هموم وغموم ان هو مطالب انه يسد هزا الكم. وعلى فكرة وده من المعاني الرئيسية اللي الكتاب اصلا بيتكلم عنه - 00:35:16

ازاي هو انا كنت عملت بعض الاقتباسات في قناة تليجرام منه ازاي بتفرض علينا اشياء لنشتريها لا نريدتها يعني انت بتحوش وبتشتري حاجة انت مش عايزها اصلا. اساسا بس هي فرضت عليك. ازاي انك مضغوط نفسيا وبتبكي انك مش قادر تحصل - 00:35:27

والمنتج مع ان انت مش محتاجه. بدليل ان هو هو ما كانش معك وانت كنت ممكن بلاش مش محتاجه. مش مضطر اليه لا يستحق هذا الحزن. كل دي احترازات فاحنا محتاجين يا جماعة نتدارك انفسنا في الواقع وخصوصا وخصوصا وبقولها عايز اقولها عشر مرات وخصوصا - 00:35:47

وواعق السوشيال ميديا انت بتفتح السوشيال ميديا افتح الفيسبوك او تويتر او اي موقع من المواقع المهبية ديت انت سوق مفتوح بمعرض امامك فلانة جابت وفلان جاب والمسل ده واعلان لده واعلان لمنتج ويلحق الابديت - 00:36:10  
سيل متواصل رهيب انت مش عارف تتحقق ايه ولا ايه وعلى كل المستويات النفسية والمعنوية والبدنية والصحية وفلان راح الجيم وفلان جاب شهادة تقدير وفلان سافر خد شهادة من امريكا - 00:36:27  
وفلان مش عارف عمل ايه حق ايه مجموعة رهيبة من الحياة لا تظهر لك الا نتائجها النهائية وانت قاعد عمال تترفج على كل ده وقاعد انا فاشل. انا ما فيش مني امل. كل دول عملوا كل حاجة. انا اصلا ما عملش اي حاجة في حياتي. وضعت تعريفني نجاح من ناس من فرض علي - 00:36:40

وسم عملت تعريف للفشل واستنتجت انك فاشل. ومن قال لك انك فاشل النبي صلى الله عليه وسلم لما يعني يغضب من اصحابه انهم لم يخبروه بموت امرأة. امرأة سرت غلبة كانت بتقوم المسجد بتكنس المسجد - 00:37:00  
فلما ماتت بالليل ما رضوش يقولوا له. فالنبي صلى الله عليه وسلم قال هلا اذنتموني ليه ما قلتوليش؟ وذهب ليصلي على قبرها صلى الله عليه وسلم. امرأة بتقوم من المسجد - 00:37:19

النبي صلى الله عليه وسلم راح صلى عليها مخصوص احنا بنجيب التعريفات بتاعتنا منين تفرض علينا فانا اللي انا عايز اقوله لا نضغط على انفسنا. نرافق بانفسنا يا جماعة. الرفق نرافق باولادنا. نرافق باحبابنا. الرفق بانفسنا. اول حاجة تسأل عن نفسك - 00:37:29

صدقة تتصدق عن نفسك الاول لسه بقرأ حديس امبراح الادب المفرد بيقول ايه لاحد مشايخي عليه آآ بيقول النبي صلى الله عليه وسلم يقول ما اطعمت نفسك فهو صدقة عجبني قوي تعليق الشيخ مسألة اطعام نفسك اطعام لنفسك تاخد عليه صدقة - 00:37:49  
ايوة لانك انت بتروض نفسك واطعامك لنفسك بتعرف نفسك عن النظر الى الحرام انت قاعد بتقود نفسك فبتعرف بنفسك والنبي احاديس مشهورة وجدت حبل آآ مشدود في المسجد امرأة بتصلني به ولما بتتعمب بتبعص له قال لمن هذا حلوه؟ وغير ذلك - 00:38:18

الانسان لا يتسلط على نفسه ويعذبها ثم نفسه تقوده الى حتفه. الى المنطقة المظلمة التي نسأل الله سبحانه وتعالى الا نذهب به يبقى دي كانت الفكرة الأساسية بتاعة درس ان انا محتاج - 00:38:39  
آآ ازاحم هزه الهموم التي بداخلي. محتاج ما اوصلش لمرحلة يهreu محتاج ان انا اكون محرا وده محتاج وسائل. ده ما بيحصلش بين يوم وليلة. يعني مش مش هنطلع من الدرس النهاردة هنكسر بقى ايه؟ اي حد يكلمني انا هنزل الشغل بكرة. مدير يقول لي انت ما عملتش - 00:38:56

اللي وراك ليه؟ اقول له بقول لك ايه؟ خلاص انا اكتشفت البيئة السيكولوجية ما حدش يقول لي ما تعملش شغلك ليه؟ لا اعقل شوية كده. آآ تيجي - 00:39:15

مسلا عندك امتحانات والدتك تقول لك ما بتزاكوش ليه؟ تقول لا لا خلاص انا هطلع من السوق الرقيق الفسيح بيقول لك الواد ده اتهبل ولا ايه؟ انت يا ابني بتسمع ايه اللي حصل لك! انا سايباك كوييس. انا مش داخل الامتحانات. انا ما عادش ما حدش يقول لي واحد يقول لك ازيك انت ما تقوليش ازيك - 00:39:25

انا مش عايز ايه الاستجابة العجيبة اللي بتحصل احيانا لبعض الدروس هي وضحت المشكلة عندي يعني بس عموما انا بحاول اعمل احترازات اهو ده ما حدش قال ده. يعني انت انت عندك التزامات. عندك واجبات في حياتك. لان برضه يعني المصطلح يعني بقى مبتدل قوي الفترة الاخريانية - 00:39:42

مصطلح الهشاشة دوت. لزلك احاول اعمل درس قريب ان شاء الله اه لان برضو الناس فعلا الجيل ده ملزم يعني هو مش بس هو اللي عنده هشاشة هو اللي صنعوا لنفسه. هو مفعول به. هو صنعت - 00:40:03  
هو يعني يعني زي فكرة برضه الكتاب انت الواقع ضغطك وعيشك حياة معينة بقى ده منتج. طبعا انت بتتساهم في ده المهم يعني

فانا عايز بس حالة من التوازن - 00:40:18

هحاول اذكر دلوقتي حاجات تساعدنا واظن كريم كريم كان قال كريم حلمي في الدرس قال بعض الحاجات الجميلة برضو لو تسمعوا الدرس اه اللوا سكر رقيق آآ من الحاجات اللي بتفيدي بصراحة عموما - 00:40:31

كرياة السير الزاتية او سماها اللي ما لوش بل للقراءة بتكتشف ان الحقي راجل من بкам مرت بابتلاءات كتير قوي وبعددين عايش حينته حتى كنت لسه بقول بعض اخوانى من الحاجات اللي قابلت مخدرة - 00:40:50

الشيخ فهد اللي كان اسمه ايه ؟ شيخ اسمه ايه ؟ نسيت اسمه بتاع فايز الكندري الشيخ فايز الكندري اه حتى انزل اظن كان له حلقات موجودة على اليوتيوب ونزل تجربته في كتاب - 00:41:07

وازاي مر بازمات رهيبة! انت قاعد بتسمع التفاصيل هو وغيره يعني الحياة ما بتنتهيش يعني انت في حدس من الاحداث انت ممكن لا قدر الله لو حصل لاي حد بتقول ده حياته انتهت - 00:41:21

في ناس مرت بأزمات وحياته ما انتهت واحد يقول لي طب وافرض حياته انتهت قال لك يا اخي لا تقتل المتعة يا اخي. يا سيدى لو حياته انتهت زي ما ربنا سبحانه وتعالى قال في آآ سورة يوسف عليه السلام - 00:41:33

بعد ما اخبر الله سبحانه وتعالى ان بعد ما كلمه الملك وقال هناك اليوم لدينا مكيل امين وان يصيب رحمتنا من نشاء. ربنا قال بعدها على طول ولأجر الآخرة خير - 00:41:48

يعني مين برضو اللي قال ان نهاية الدنيا طب ما قصة غلام الاخدود ونهاية الناس لما بتلقى في النار وشقت لهم الاخاديد. من الذي قال ان هؤلاء الذين القوا في النار - 00:41:58

كده حياتهم انتهت لا ده بالعكس ده كانت بداية النعيم وقال لها الطفل يا اماه اصبرى فانك على الحق فقراءة عموما السير الزاتية ولا سيما لصحابة النبي صلى الله عليه وسلم والتابعين واتباع التابعين السيرة كاملة - 00:42:08

سير كاملة مش مقتطفات وهنا آآ يعني هاجي لكم نقطة خارج الدرس شوية بس يعني بالنسبة لي انا شايف ان هي مهمة لان انا برضه الفترة دي مشغول بشوية بمسألة صناعة التوازن - 00:42:25

فارق بين قراءة مقتطفات من آآ مسلا انا بقول ده ليه برضو لان انا المرة اللي فاتت نصحت بقول لكم ان انا دايما سايب على المكتب جنبي مختصر لسعر اعلام النبلاء - 00:42:42

بعض ناس ممكن لما بيجي يقرأه بيعملوا نوع من الایه من نوع من اسمه ايه ؟ يعني الصدمة والاحباط في فارق بين القراءة في الكتب كتب السلوك مسلا الكتب اللي مخصصة لمواضيع - 00:42:54

ويبين قراءة النصوص كاملة في الباب. ودي يا جماعة انا عشتها. واسأل الله سبحانه وتعالى ان يمن علي قريبا ان شاء الله بشرح كتاب الادب المفرد وغيره من الكتب زي شمائل النبي صلى الله عليه وسلم - 00:43:15

آآ ميزة القراءة في في كتب النصوص على بعضها اما بتيجي تقرأ كتاب السنة على بعضه او او القصة على بعضها انك بتشفوف الحياة كاملة يعني كتاب الادب المفرد وغيره - 00:43:28

انك بتشفوف الصحابة في لحظات الضعف ولحظات القوة. في لحظات الزنب وفي لحظات التوبة. بتشفوف الحياة البشرية كاملة على بعض غير الكتاب اللي بيتنقى لحظة البطولة فقط يعني غير الكتاب اللي بيتنقى لحظات النجاح فقط - 00:43:41

فانت هنا مش شايف الحياة كاملة. فيجي لك احباط غير لما بتشفوف الصحابي اذنب وشاف امرأة وقبلها وقال فعلت فيها كل شيء الا الجماع. وراح للنبي قدام الناس. قال له يا رسول الله عملت كذا - 00:43:55

سكة النبي صلى الله عليه وسلم فنزلت الى الحسنات يذهبن السينات. قال رسول الله صلى الله عليه وسلم هذه خاصة للناس عامة؟ قال للناس عامة. لما تشفوف ابوذر وهو من هو - 00:44:10

ما قدرتش امسك نفسى وشتمت وغيرت فالنبي بيقول له انت غيرته يقول له اه غيرته. دي امي. بتشفوفهم في لحظات الضعف ولحظات القوة شوف الحياة على بعضها. ده بيصنع عندي توازن - 00:44:19

فقراءة القصة كاملة وسماع السلسلة كاملة هي دي مش بصوا يا جماعة ما هي مشكلتنا في ايه ان احنا وانا كنت كاتب تغريدة قريب في المعنى ده ان احنا بنكون تصوراتنا الكلية من تويتة ومن بوست ومن كتاب او من كتيب او من درس. وبعدين نتهم الكاتب او اللي القى ده - 00:44:32

ان هو ضلنا وان هو ما قلناش الحقيقة. طب ما هو انت يعني سببك منه سببك من المتكلم. ما انت ادي لنفسك فرصة انظر للصورة  
كاملة. دي من وسائل برضو النظر الى السماء ووسائل الخروج من ضيق - 00:44:51

الفكرة انك ادي لنفسك بروح وده برضو على فكرة للناس اللي بتقرأ آآ في التاريخ كتير تلاقيهم ما بيحصلهمش ببللة. يعني مسلا لاقدر الله لما بيحصل سقوط لدولة من دول الاسلام - 00:45:05

ما بيضطربش. قرأ قبل كده الكعبة هدمت وقرأ قبل كده القرامطة اخدوا الحجر الاسود لما بتيجي تقرأ في المغنى وبيشرح آآ المدن  
 فهو بيقول لك ايه المتن بيقول بيقول له تقبل الحجر الاسود ان وجدته - 00:45:20

انت متخيل الرجال بيعامل عادي جدا يقول لك لو لقيته بقبله. هو ما هو كانوا واخدينه ساعتها النزرة على التاريخ من فوق وده  
برضو للقرآن بيعمله نظرة للكلية بتخليك يعني هادي شوية. مش عند كل حدث ما فيش فيه شخصيات هلوة - 00:45:38

ما فيش فايدةبني اسرائيل في كل ازمة اه ما فيش اوزينا من قبل ان تأتينا من بعد. البحر مش قلت لك انت هتفرقنا. كل ما يحصل  
لهم ازمة التراب وهله - 00:45:57

فالانسان قراءة التاريخ اه السعر الزاتية آآ الكتب كاملة. زي قلت لك بتمر كده على السنن كاملة. فتجد توازن. وده على فكرة عشان  
برضو اصرح لكم ميزة الدروس دي ان هي فيها نوع من الدردشة فتجدوا فيها ايها؟ بوح ببعض الاسرار يعني - 00:46:08

ده من الاسباب اللي مخليني متعدد جدا في درس اشكالية الجمع بين الدين والدنيا لأن المسألة هي مش درس. ولا معادلة هتضربها هتجمع لك بين الدين والدنيا. لأن هي انماط كتيرة مختلفة من الدين - 00:46:29

لما بيتجي تقرأ النصوص على بعضها نص بيذوم الدنيا ونص صحابي كان غني. أنا كنت لسه برضو بقرأ قريب في جمع بيان العلم والفضل فتجد فصل في زمن الدنيا. الفصل اللي بعده التابعين والصحابة والصحابة والتابعين وتابع التابعين والعلماء اللي كانوا

اللي بعده اللي اختاروا التقلل من الدنيا. تحس ان هو قاعد يعني ايه دش سخن ودوش ساقع دش سخن لغاية لما انت تزييط بقى

يفهمك ان الحياة مش اختيار واحد ده ميزة غير لما واحد مسلا يقرأ ينتقل فصل من اي كتاب مسلا الزهد من كتاب جامع توازن يحصل لك حالة من التوازن - 00:47:02

بيان العلم حاجة معينة فصل واحد فقط - 00:47:14  
وخدوا بالكم ده مش مشكلة. المشكلة ان تقوم ببناء تصور كلي قطعي مين ده ؟ هي دي المشكلة من هذا الامر هي ده الاشكال. سـم

تنافح عنه سم تتصدم في غيره فايه؟ فتنتكس بقى وتولول واللي حصل ضحك علينا - 00:47:28  
فالخلاصة ان آاا الانسان لما بينظر للعالم وده اتكلمت بقى في درس النظر الى السماء. ان تخرج خارج هذه الدائرة قليلا ثم عد اليه.

مش هقول لك سيب مشاكلك اكتـر - 00:47:50  
اين اوقات الخروج من الهموم. فين دي في حيـاتك؟ يعني فين الوقت اللي احـنا ممـكـن نسمـيـه اللي بـتـفـصـلـ فيـه اـفـصـلـ شـوـيـة

بتفصل امتى يعني لما الزرار بيتبسط عليه على طول - 00:48:04 على طول في ضغط ضغط عليه بيعمل انت تحتاج نفسك تفصل طبعا المفروض ده يكون في الصلاة قيام الليل في الاذكار. طب لو انا

مش عارف ده اعملها اسبوعيا درس فيه جنة والنار - 00:48:19

اجازة اقفل موبايلك - 00:48:33

واسبت يومين او ثلاثة في الاسبوع يكون هو اللي معي - 00:48:51

كم يا جماعة الاشعارات اللي بيجي لنا مهول مهول فانت لازم يجي لك وقت آآ تريح فيه الضغط المتواصل المتنالي ده وما اجمل يعني ان الفصل ده يكون بطاعة الله سبحانه وتعالى - 00:49:03

مع اخوانك آآ ما اجتمع قوم في بيت من بيوت الله يتلون كتاب الله تصلی قیام لیل تخرج من هذه الحالة هتبقی انسان عندك حالة من السواء النفسي شوية ده احتياج - 00:49:20

اللي انا بقوله ده احتياج نفسي الصلاة يا جماعة زي ما هي عبادة هي احتياج يعني انت لزلك آآ وانا كنت قلت لكم قبل كده الشيخ سامي عامري في كتابه لماذا يطلب الله من البشر عبادته ان كنت انا العنوان يعني - 00:49:34

شایف ان هو ایا كان يعني الكتاب اتكلم عن احتياج الانسان للعبادة وقال ان العبادة اصلا فكرة الكتابة المركزية مع اثار رائعة. نقلها وخصوصا عن ابن رجب وغيره ابن القيم. ان العبادة احتياج وانا اتكلمت في ده في درس اجوف - 00:49:50

فانت لما ما بتديش الاحتياج ده انت بتقاد بصورة خاطئة بقى هنا. بتسيير في المسار الخطأ لانك انت اصبت هنا آآ يعني جائع وبتتغزى غزاء خطأ فبتسيير في الاتجاه الخاطئ - 00:50:07

فمن وسائل ايضا الخروج من او الهروب قبل الوصول للمنطقة المظلمة ان انت آآ زي ما قلنا انت بناء اوسع شوية يكون لك مصادر تلقي غير الاعلام يعني يعني وسع مصادر التلقي بتابع - 00:50:21

اقرأ الفكرة كاملة بلاش مصادر التلقي بتاعتك تبقى السوشیال ميديا بس انا او افضل عن رأيي انا الشخصي ده اللي انا باحبه انك تسمع اكتر من شيخ. ما حبس انك تسمع لشيخ واحد - 00:50:40

وانك يفضل كمان مجالات مختلفة لو انت تستطيع انا هنا مش بتتكلم على البناء مش بتتكلم على التركيز مسلا في بناء آآ مذهب فقهى ولا بتدرس اصول ولا بتخلص باب فانت تحتاج تركز مع شيخ لأنك بتتكلم على السماع العام توسيع افق - 00:50:52

توسيع الافق ده بيدي آآ رحابة في البتاع. وبيدي الامور حجمها آآ فزي ما قلنا مسألة ده هيخرجك ايضا من ضغط المجتمع السير الذاتية والتاريخ تعرفك احجام المشاكل اللي مرروا بها الناس. وانت لست بداعا من البشر - 00:51:09

واللعبة الشيطانية المشهورة اصل انت مشكلتك مختلفة عن الباقيين يعني اللعبة الشيطانية المشهورة. دايما يحسسك انت مشكلتك مختلفة انت ابتلاءك اعظم ابتلاء في الدنيا. وده اللي حصل لما النبي صلی الله عليه وسلم مر على امرأة - 00:51:32

بتبكي على فقد ولد لها فقال النبي صلی الله عليه وسلم اتق الله واصبر ويبدو ان هي تعدت الحد يعني المقدوم به شرعا وقال اتق الله واصبر. قالت له ايه ؟ هنا الرد الدفاع النفسي على طول - 00:51:48

اصل مشكلتي غير مشكلتك. اليك عني انك لم تصب بمصيبي. فانا مشكلتي اكبر. انت بتقعدوا تدونا دروس قولوا لنا اصبروا اصل انت مش مش حاسين بمشاكلكم. انت مش عارفين ايه المشاكل - 00:52:03

انت اصلا يعني ما هو خلاص ما تصبرش وسابها ومشي النبي خلاص ؟ يعني بلاش فتركك يعني بس وده ايضا من فقه النبي صلی الله عليه وسلم وحكمته ورفقه صلی الله عليه وسلم برضه لما يكون واحد رافض هنا ما تضفطش عليه نفسيا فتركها النبي صلی الله عليه وسلم - 00:52:13

فلما جت له بعد كده آآ وده زي ما قلت فاكر قلت لكم انا مش فاكر قلت لكم انا قلت الحديث ده كان يعني ايه انا تصورت قبل ما اسمع نهاية الحديث - 00:52:33

آآ لما جت له بقى بعد كده تعترز قالوا لها انت مش عارفة ده النبي ساعتها ما كنتش اعرف فراحت له وبتعترز فالنبي صلی الله عليه وسلم قال لها ايه ؟ ما قالهاش طب معلش بقى خدي بالك المرة الجاية وكده. لا شك ولا انما الصبر عند الصدمة الاولى. فلا بد ان في وقت للتعليم ماشي خلاص وقت الاسى - 00:52:45

حزن عدى لازم نتعلم يعني احيانا التعليم مؤلم لكن لازم نتعلم المعنى ده. الصبر عند الصبر. فيه معاني يا جماعة ثقيلة انا قلت ده في الدرس الآخراني بتاع سورة البقرة استعينوا بالصبر والصلوة. فيه ناس - 00:53:00

عرابي بمقابلة الدكتور احمد سيف ما يحبوش يسمعوا كلمة اصبر مش عايز يسمع كلمة الصبر دي في حياته وعايز حلول كل حاجة  
يعلم لي حل. كل حاجة هي عبارة عن آآ زاير بيتضغط عليها - 00:53:16

يعني انك تقول ده الولا ابني لما باقول له يقول لي النت معلق باقول له اصبر يقول لي لأ مش هاصل. شف حل. طب اشوف لك حل  
اعمل ايه يعني اطلع اشد النت من فوق اعمل انا اعمل ايه في النت - 00:53:28

اصل النت بطبيعه. انا انزل ازقه يعني انا هاعمل انا ايه اصل انا عملت الراوتر رستارته هو في حاجات هتعمل لها ايه يعني عصر السوق  
كل حاجة عايز لها حل حالا. طب انا في يا جماعة حاجات هي حلها الصبر - 00:53:41

لما راحوا لسيدنا موسى قال استعينوا بالله واصبروا ان الارض لله يريث من يشاء من عباده. والعاقبة للمتقين في حاجات حلها الصبر  
لابد ان نستعين بالصبر فده برضو مهم فالنبي صلى الله عليه وسلم قال لها - 00:53:55

انما الصبر عند الصدمة الاولى. وهذه الابتلاءات المتناقلة عاملة زي الاحمال الثقيلة في الجيم كده بتقوى عضالتك ودي برضو بتقوى  
نفسستك لما بتحسن التعامل معها عجبا لامر المؤمن. ان امران كله له خير - 00:54:13

يبقى آآ المرة دي حاولنا ننظر الى السماء من زاوية تانية. نخرج نشيل غشاوة من على عينينا بطريقه تانية شوية مع مع الدرس اهمية  
سمع الدرس الاول نزر الحياة المرة دي دي صورة انا بسميهها صورة افقيه شوية مش بالصورة الرئيسية توسع الدنيا شوية -  
00:54:27

التوازن من النظر للحاجة على بعضها سواء الكتب اللي بنقرأها الافكار اوسع دائري شوية اوسع دائرة تلقي بتاعتي شوية آآ ما اخدش  
امور بصورة قطعية حسمية وانا واخدتها من مصدر معين بسيط - 00:54:49

آآ مازحمة هموي السفر الى عالم الغيب قيام الليل مهم جدا جدا سيهون علينا كثيرا كثيرا. النبي صلى الله عليه وسلم في احلك  
المواقف كان يصلني كان اذا حسبي انه صلى - 00:55:05

صلى الله عليه وسلم غزوة بدر قام يصلني في غزوة الاحزاب قام يصلني صلى الله عليه وسلم عليك في الاستخاره انك بتصلني في  
الابتلاءات تصلي فهمهم جدا انسان يتعود يتعود الصلاة - 00:55:18

اسر مشهور ابن عباس لما نعي له اخوه وكان في الطريق يعني اوقف الدابة وقام يصلني وقال رضي الله عنه رضي الله عنهم ابن  
عباس قال قال الله سبحانه وتعالى واستعينوا بالصبر والصلوة وقام يصلني - 00:55:37

شف لما جا له الخبر على طول تحتاج زاد في اللحظه دي. هذا من فقهه رضي الله عنه فقام يصلني موجود بيذكروه كثير في الاية  
واستعينوا بالصبر والصلوة فده كان آآ يعني درس النهاردة. اسأل الله سبحانه وتعالى ان انا اكون قدرت اوصل - 00:55:52

الفكرة اللي انا عايز اوصلها لكم بدون ما اعمل لكم مشاكل زي ما كل مرة بحس ان الضروس بتزود المشاكل مش بتحلها بس كويس  
يعني ادينا بنعمل اي حاجة في الحياة - 00:56:12

ربنا يفتح عليكم ويسددكم ويقبل منكم. آآ يعني سواء في التعليقات هنا او في اي حته لو في مواضع انت شايفين ان احنا حابين  
نتناولها قدر المستطاع كده. اسأل الله سبحانه وتعالى التوفيق. حاول الامسيات دي زي ما قلت - 00:56:21

حافظ على فكرة الدردشة صورة مفتوحة شوية آآ هااول ان شاء الله اتكلم على موضوع التدين اه دعواتكم بالتيسير كده يعني آآ  
يعني شرح الادب المفرد. يعني بصراحة استفدت جدا - 00:56:35

شرحه للدكتور طه نجا. وبازن الله احاول يعني حتى ايه آآ استاذنا كده ونستعين بالله ونبدأ في الطرح ان شاء الله. قريبا يعني  
دعواتكم بالتيسير. اسأل الله سبحانه وتعالى ان يفتح لكم وان يسددكم. وان يصرف عننا الهم - 00:56:50

الهم والحزن وان يوفقنا سبحانه وتعالى لفعل ما يحب ويرضى. اسأل الله سبحانه وتعالى العزيمة والرشاد. نسأل الله سبحانه وتعالى  
ان يعزم لنا على اشرف امورنا. سبحانه الله وبحمدك اشهد ان انت استغفرل واتوب اليك. والسلام عليكم ورحمة الله وبركاته -  
00:57:05